

宋  
名  
家  
詞

題溪堂詞

謝無逸臨川進士自號溪堂學

古高傑文辭煅煉篇々有古意

而尤工於詩詞黃山谷嘗讀其

詩云晁張流也恨未識面耳其

詩曰山寒石髮瘦水落溪毛彫

又曰老鳳垂頸噤不語枯木槎

牙噪春鳥其詞曰黛淺眉痕沁

紅添酒面潮又曰魚躍水池飛  
玉尺雲橫石嶺拂鮫綃皆百鍊  
乃出冶者晁張又將避三舍笑

湯叟題

溪堂詞

目錄

如夢令

二調

點絳脣

二調

浣溪沙

二調

採桑子

三調

菩薩蠻

二調

減字木蘭花

二調

卜算子

一調

謁金門

一調

好事近

一調

清平樂

二調

醉桃源

三調

武陵春

二調

柳梢青 一調

西江月 九調

燕歸梁 一調

南歌子 一調

望江南 二調

浪淘沙 一調

鷓鴣天 四調

玉樓春 四調

鵲橋仙 一調

虞美人 三調

南鄉子 一調

醉落魄 一調

踏莎行 一調

蝶戀花 一調

臨江仙 二調

七娘子 一調

漁家傲 一調

青玉案 一調

江神子 二調

千歲秋 一調

驀山溪 一調

詞目

溪堂詞目錄終



溪堂詞

宋 謝逸

如夢令

或刻周美成

花落鶯啼春算陌上綠楊飛絮金鴨晚香寒人  
在洞房深處無語無語葉上數聲疎雨

又

門外落花流水日煥杜鵑聲碎蕃馬小屏風一  
枕畫堂春睡如醉如醉正是困人天氣

點絳脣

或刻張子野。碧影涵雲巘作玉立峨峰遠。

九日登高倚樓人在秋空半  
汝江如練碧影涵雲巘  
醉看茱萸定是明年健  
清樽滿菊花黃淺偏入陶潛眼

又

金氣秋分風清露冷秋期半  
涼蟾光滿桂子飄香遠  
素練寬衣仙仗明飛觀  
霓裳亂銀橋人散吹徹昭華管

浣溪沙

樓閣簾垂乳燕飛  
圓荷細細點清溪  
薰風破悶晚涼時  
玉軫琴邊蘭思遠  
霜紉扇裏翠睂低  
柔藍衫子鬪蜂兒

又

暝日溫風破淺寒  
短青無數簇幽蘭  
三年春在病中看  
中酒心情長似夢  
探花時候不曾閑  
故園芳信隔秦關

採桑子

楚山削玉雲中碧影落沙汀秋水澄凝一抹江  
天雁字橫金錢滿地西風急紅蓼煙輕簾外  
砧聲驚起青樓夢不成

又

冰霜林裏爭先發獨壓羣花風送清笳更引輕  
相淡淡遮抱牆溪水彎環碧月色清華疎影  
橫斜恰似林逋處士家

又

冷猿寒雁淮山遠  
風裊青帘飛雪廉  
纖莫道空中是撒鹽  
到時乳鵲喧梧影  
曉卷疎簾彩服  
巡簷索笑梅花笑  
語添

菩薩蠻

暄風遲日春光開  
蒲萄水綠搖輕棹  
兩岼草煙低  
青山啼子規  
歸來愁未寢  
黛淺眉痕沁  
花影轉廊腰  
紅添酒面潮

又

縠紋波面浮鵝鵝蒲芽出水參差碧滿院落梅  
香柳梢初弄黃衣輕紅袖皺春困花枝瘦睡  
起玉釵橫隔簾聞曉鶯

減字木蘭花

七夕

荷花風細乞巧樓中涼似水天幙低垂新月彎  
環淺暈睂橋橫鳥鵲不負年年雲外約殘漏  
疎鐘腸斷朝霞一縷紅

又

疎疎密密簷蔔林中飛六出妬舞欺梅悠颺隨  
風去却回遙岑玉列不見雲中浮寸碧夜色  
清妍庭下交光月午天

卜算子

煙雨羃橫塘紺色涵清淺誰把并州快剪刀剪  
取吳江半隱几岼島巾細葛含風軟不見柴  
桑避俗翁心共孤雲遠

溪堂詞

四

汲古閣

謁金門

簾外雨洗盡楚鄉殘暑  
白露影邊霞一縷紺碧  
江天算 沉水煙橫香霧茗椀淺浮瓊乳臥聽  
鷓鴣啼竹塢竹風清院宇

好事近

疎雨洗煙波雨過滿江秋色風起白鷗零亂破  
嵐光深碧 荻花楓葉只供愁清吟寫岑寂吟  
罷倚闌無語聽一聲羌笛



清平樂

曉風殘角月裏梅花落宿雨醒時滋味惡翠被  
輕寒漠漠夢回一點相思遠山暗感雙眉不  
覺肌膚瘦玉但知帶減腰圍

又

春情

花邊柳際已漸知春意歸信不知何日是舊恨  
欲拚無計故人零落西東題詩待倩歸鴻惟  
有多情芳艸年年處處相逢

醉桃源

花枝破蕾柳梢青春寒拂面輕一眉新月影三  
星銅荷燭燼零低鳳扇裊霓旌珊珊環珮聲  
坐間誰識許飛璫對郎仙骨清

又

風飄萬點落花飛殘紅枝上稀平蕪葉上淡煙  
迷那堪春鳥啼風細細日遲遲輕紗疊雪衣  
多情多病嬾追隨玉人應恨伊

又雪

晨光曉色埽簷晶  
寒口蝶夢驚亂飄  
鴛瓦細無聲  
遊颺柳絲輕  
書幌冷竹窗明  
柴門只獨扃  
一尊濁酒爲誰傾  
梅花相對清

武陵春

茶

画燭籠紗紅影亂  
門外紫驕嘶分破雲團  
月影虧雪浪皺清漪  
捧盃纖纖春笋瘦  
乳霧泛冰甃  
兩袖清風拂袖飛  
歸去酒醒時

又

送任民望  
歸豐城

拍岸蒲萄江水碧  
柳帶挽歸艎  
破悶琴風繞袖  
涼軟  
欒花香  
淡煙疎雨隨  
宜好  
何處不瀟  
湘  
願作雙飛老鳳皇  
莫學野鴛鴦

柳梢青

離別○時  
刻不載

香肩輕拍尊前  
忍聽一聲將息  
昨夜濃歡  
今朝別酒  
明日行客  
後回來則須來  
便去也如何  
去得無限離情  
無窮江水  
無邊山色

西江月

落寞寒香滿院扶疎清影侵門雪消平野晚煙  
昏睡起嬾勻檀粉皎皎風前玉樹盈盈月下  
冰魂南枝春信夜來溫便覺肌膚損瘦

又

花額上堆翠葆遠山橫處星眸絳宮深鎖算雲  
浮月破黃昏時候誰謂霞衣玉簡便孤彩鳳  
秦樓桃源不禁管人遊曾是劉郎邂逅

又

陳倅  
席上

窄袖淺籠溫玉修眉淡掃遙岑行時雲霧繞衣襟  
步步蓮生宮錦菊與秋煙共晚酒隨人意  
俱深尊前有客動琴心醉後清狂不禁

又  
筭

寶柱橫雲雁影朱絃隔葉鶯聲風生玉指曉寒清  
官樣輕黃袖冷飲罷尚留餘意曲終自有  
深情歸來江上數峰青梅小橫斜夜永

又

代人上許  
守生日

滴滴金盤露冷蕭蕭玉宇風清長庚入夢曉窗  
明淡月微雲耿耿松竹五峰秋色笙歌三市  
歡聲華堂開宴擁娉婷天上人間共慶

又

送朱  
泮英

青錦纏枝佩劒紫絲絡轡飛驄入關意氣喜生  
風年少胸吞雲夢金闕日高露泣東華塵軟  
香紅爭看荀氏第三龍春煥桃花浪湧

又

木芙蓉容

曉豔最便清露晚紅偏怯斜陽移根栽近菊花  
傍蜀錦翻成新樣坐客聯揮玉麈歌詞細琢  
瓊章從今故事記溪堂歲歲攜壺共賞

又

木末誰攀新萼雪消自種前庭莫嫌開過尚盈  
盈似待詩人醉咏霜後最添妍麗風中更覺  
娉婷影搖溪水一灣清粧罷曉臨鸞鏡



又

密雪未知膚白夜寒已覺香清振芳堂下月盈  
庭踏碎橫斜疎影且醉盃中綠蟻休辭笛裏  
清聲東君催促子青青滋味要調金鼎

燕歸梁

六曲闌干翠幙墜香燼冷金猊日高花外嚶黃  
鸝春睡覺酒醒時草青南浦雲橫西塞錦字  
杳無期東風只送柳綿飛全不管寄相思

南歌子

夜春

雨洗溪光淨風掀柳帶斜  
西樓朱戶玉人家簾  
外一眉新月漫梨花  
金鴨香凝袖銅荷燭映  
紗鳳盤宮錦小屏遮  
夜靜寒生春筍理琵琶

望江南

臨川好柳岸轉平沙  
門外澄江丞相宅壇前喬  
木列仙家春到滿城花  
行樂處舞袖卷輕紗  
謾摘青梅嘗煮酒  
旋煎白雪試新茶  
明月上簷

牙

又

臨川好山影碧波搖魚躍氷池飛玉尺雲橫石  
嶺拂蛟銷高樹竹蕭蕭寒食近湖水綠平橋  
繁杏梢頭張錦旆垂楊陰裏繫蘭橈遊客解金  
貂

浪淘沙

上元

料峭小桃風凝淡春容寶燈山列半天中麗服

靚粧攜手處笑語囁囁  
酒滴小槽紅一飲千  
鍾銅荷擎燭絳紗籠  
歸去笙歌喧院落月照簾  
籠

鷓鴣天

桐葉成陰拂画簷清風涼處捲疎簾  
紅綃舞袖  
縈腰柳碧玉睂峰媚臉蓮  
愁滿眼水連天香  
牋小字倩誰傳梅黃楚岫垂垂雨  
草碧吳江淡  
淡煙

又

金節平分院落涼  
黃昏簾幙卷西廂  
冰輪碾破粼粼碧玉斧  
修成練練光  
低照戶巧侵床錦袍起舞謫仙狂  
鵲飛影裏觥籌亂  
桂子風前笑語香

又

紅暈香腮粉未勻  
梳粧閒淡穩精神  
誰知碧嶂清溪畔  
也有姚家一朶春  
眉黛淺爲誰顰  
莫

將心事付朝雲坐中有客腸應斷忘了酴醾架  
下人

又

水濶天低雁字橫小春時節晚寒清梅梢月上  
紛紛白竹塢風來冉冉輕人似玉酒如澗入  
關意氣喜風生坐中有客聯鑣去誰唱陽關第  
四聲

玉樓春

寒食

弄晴數點梨梢雨門外画橋寒食路杜鵑飛破  
草間煙蛺蝶惹殘花底霧東君著意怜樊素  
一段韶華天付與粧成不管露桃嗔舞罷從教  
風柳妬

又

王守  
生日

橫塘暈淺琉璃瑩綠葉陰濃庭院靜櫻桃熟後  
麥秋涼芍藥開時槐夏永蓬萊閣下紅塵境  
青羽扇底搖鳳影庭前玉樹一枝春香霧和煙

新月冷

又

個中懷抱誰排遣  
惻惻輕寒風剪剪  
細香梅蕊晚香濃  
爭似柳梢春色淺  
嬌叱道字歌聲軟  
醉後微渦回笑靨  
夏無卓氏白頭吟  
只有盧郎年少恨

又

王守生

青錢點水圓荷綠  
解籜新篁森嫩玉  
輕風冉冉



棟花香小雨絲絲梅子熟  
華堂燭燼零金粟  
人在洞天三十六  
昭華吹徹筦聲寒  
聲入壽觴  
紅浪蹙

鵲橋仙

蝶飛煙草  
鴛啼雲樹  
滿院垂楊  
陰綠輕風飄散  
杏梢紅  
更吹皺池波如縠  
珠簾日晚  
銀屏人散  
樓上醉橫霜竹  
一春若道不相思  
綠底事紅綃褪玉

虞美人

碧梧翠竹交加影  
角簾紗幙冷疎雲淡月媚橫  
塘一陣荷花風起隔簾香  
雁橫天末無消息  
水闊吳山碧刺桐花上蝶翩翩  
唯有夜深清夢到郎邊

又

角聲吹散梅梢雪疎影黃昏月落英點點拂闌  
干風送清香滿院作輕寒  
花競羯鼓催行酒

紅袖摻摻手曲聲未徹寶盃空飲罷香燼翠被  
錦屏中

又

風前玉樹瑤金韵碧落佳期近疎雲影裏鵲橋  
低簷外一彎新月印修眉 星河漸曉銅壺噎  
又是經年別此情莫與玉人知引起舊家離恨  
淚珠墜

南鄉子

美人

溪堂詞

十四

汲古閣

淺色染春衣衣上雙雙小雁飛袖卷藕絲寒玉  
瘦彈碁贏得尊前酒一卮 冰雪拂臙脂絳蠟  
香融落日西唱徹陽關人欲去依依醉眼橫波  
翠黛低

醉落魄

霜砌聲急瀟瀟疎雨梧桐溼無言獨倚闌干立  
簾捲黃昏一陣西風入 年時画閣佳賓集玉  
人檀板當筵執銀瓶已斷絲繩汲莫話前歡忍

對屏山泣

踏莎行

春思

柳絮風輕梨花雨細春陰院落簾坐地碧溪影  
裏小橋橫青帘市上孤煙起鏡約關情琴心  
破睡輕寒漠漠侵鴛被酒醒霞散臉邊紅夢回  
山蹙眉間翠

蝶戀花

春景○草堂  
作鳳棲梧

豆蔻梢頭春色淺新試紗衣拂袖東風軟紅日

三竿簾幙卷  
画樓影裏雙飛燕  
攏鬢步搖青  
玉碾缺樣花枝  
華葉蜂兒顫  
獨倚闌干凝望遠  
一川煙草平如剪

臨江仙

九

木落江寒秋色晚  
颼颼吹帽風清  
丹楓樓外搗衣聲  
登高懷遠  
山影雁邊橫  
露染宮黃  
庭菊淺茱萸煙拂紅  
輕尊前誰整  
醉冠傾酒香熏臉  
落日斷霞明

又

玉樹臨風賓欲散  
背昏約馬嘶庭幽  
歡未盡有餘清瓊  
糜方一啜銀燭已  
雙擎坐久香津生  
齒頰何須五斗消  
醒豔歌聲裏醉魂  
醒明年思此會旌  
旆想登瀛

七娘子

風剪冰花飛零亂  
映梅梢素影搖清  
淺繡幄寒輕蘭熏  
煖艷歌催得金荷  
卷游梁已覺相

如倦憶去年舟渡淮南岸別後銷魂冷猿寒雁  
角聲只送黃昏怨

漁家傲

漁父

秋水無痕清見底蓼花汀上西風起一葉小舟  
煙霧裏蘭棹艤柳條帶雨穿雙鯉自嘆直鉤  
無處使笛聲吹徹雲山翠鱸落霜刀紅縷細新  
酒美醉來獨枕莎衣睡

青玉案



蘆花飄雪迷洲渚送秋水連天去一葉小舟橫  
別浦數聲鴻雁兩行鷗鷺天淡瀟湘暮蓬窗  
醉夢驚簫鼓回首青樓在何處柳岸風輕吹殘  
暑菊開青蕋葉飛紅樹江上瀟瀟雨

江神子

別情

一江秋水碧灣灣繞青山玉連環簾幙低坐人  
在畫圖間閒抱琵琶尋舊曲彈未了意闌珊  
飛鴻數點拂雲端倚闌看楚天寒擬倩東風吹

夢到長安恰似梨花春帶雨愁滿眼淚闌干

又

春思

杏花村館酒旗風水溶溶颺殘紅野渡舟橫楊  
柳綠陰濃望斷江南山色遠人不見草連空  
夕陽樓外晚煙籠粉香融淡眉峰記得年時相  
見画屏中只有關山今夜月千里外素光同

千秋歲

夏景

楝花飄砌蔌蔌清香細梅雨過蘋風起情隨湘

水遠夢遶吳峰翠琴書倦鷓鴣喚起南窗睡  
密意無人寄幽恨憑誰洗修竹畔疎簾裏歌餘  
塵拂扇舞罷風掀袂人散後一鉤淡月天如水

驀山溪

月夜

霜清木落深院簾櫳靜池面卷煙波瑩香水一  
奩明鏡修筠拂檻疎翠挽嬋娟山霧歛水雲收  
野濶江天迥紅消醉玉酒面風前醒羅幙護  
輕寒錦屏空金爐燼冷星橫參昴梅徑月黃昏

清夢覺淺眉顰窗外橫斜影

時奉溪堂初卷尋蝶戀花以迄禪尾相江  
南共六十有三闋皆小令輕倩可人中間字句  
舛誤無從考索既獲溪堂全集末載樂府  
一卷今依其章次就梓近來吳門抄本多  
花心動一闋其詞云風裡楊花輕薄性銀燭  
高燒心熱香餌懸鉤魚不輕吞辜負鉤兒  
虛設羅幃到老絲長伴針刺眼淚添成面

思量起拈花朵兒難結恁樣情深忍  
撇似夢裏相逢不勝歡悅出水雙蓮摘取  
一枝可惜並頭分折極期月滿會姮娥誰知  
是初生新月折翼鳥甚是于飛時節疑是  
質筆不敢溷入附記以俟識者湖南毛晉識

溪堂詞

終

題樵隱詞

樵隱詩餘一卷信安毛平仲所

作也平仲為人傲世自高與時

多忤獨與錫山尤遂初厚善臨

終以書別之囑以志墓遂初旣  
為墓誌銘又序其集或病其詩  
文視樂府頗不逮其然豈其然  
乎乾道柔兆閭茂陽月永嘉王



木叔題

樵隱詞序

二

汲古閣

樵隱詞

目錄

賀新郎

一調

風流子

一調

薄倖

一調

水龍吟

一調

瑞仙鶴

一調

念奴嬌

八調

燕山亭

一調

水調歌頭

五調

滿庭芳

三調

滿江紅

三調

江城子

二調

漁家傲

二調

樵隱詞目

汲古閣

蝶戀花

一調

醉落魄

一調

玉樓春

二調

浪淘沙

一調

眼兒嬌

一調

秋蕊香

一調

畫堂春

一調

應天長令

一調

好事近

一調

謁金門

二調

點絳脣

一調

樵隱詞目錄

終

樵隱詞

宋 毛 玘

賀新郎

風雨連朝夕最驚心春光晚晚又過寒食落盡  
一番新桃李芳草南園似積但燕子歸來幽寂  
沉是單棲饒惆悵儘無聊有夢寒猶力春意遠  
恨虛擲東君自是人間客暫時來匆匆却去  
爲誰畱得走馬插花當年事池晚空餘舊跡奈

老去流光堪惜，杳隔天涯。人千里，念無憑、寄長相憶。回首處，算雲碧。

風流子

新禽初弄舌，東郊外、催爾踏青期。漸晴濫翠漪，惠風駘蕩，暖蒸紅霧，淑景輝遲。粉牆外、杏花無限笑，楊柳不勝垂。閒裏歲華，但驚蕭索，老來心賞尤惜芳菲。平生歌酒地，空回首、惆悵觸緒沾衣。誰見素琴翻恨，青鏡畱悲。念千里雲遙，算

天長短十年人杳流水東西惟有寄情芳草依  
舊萋萋

薄倖

柳橋南畔駐驄馬尋春幾遍自見了生塵羅襪  
爾許嬌波流眄爲感郎松柏深心西陵已約平  
生願記別袖頻招斜門相送小立釵橫鬢亂  
恨暗寫如蠶紙空目斷高城人遠奈當時消息  
黃姑織女又成王謝生前燕託琴心恐怕嬌雲

弱雨東風驀地輕吹散傷春病也狼籍飛花滿  
院

水龍吟

登吳江  
橋作

渺然震澤東來太湖望極平無際三吳風月一  
江煙浪古今絕致羽化蓬萊胸吞雲夢不妨如  
此看垂虹千丈斜陽萬頃盡倒影青奩裏追  
想扁舟去後對汀洲白蘋風起只今誰會水光  
山色依然西子安得超然相從物外此生終矣

念素心空在。徂年易失，淚如鉛水。

瑞僊鶴

柳風清。畫潯山櫻晚。一樹高紅爭熟。輕紗睡初足。悄無人。欹枕虛檐鳴玉。南園秉燭。歎流光容易過。目送春歸去。有無數。弄禽滿徑。新竹閒記。追歡尋勝。杏棟西廂。粉牆南曲。別長會。促成何計。奈幽獨。縱湘絃難寄。韓香終在。屏山蝶夢。斷續對。浴堦細草。萋萋爲誰自綠。



念奴嬌

陪張子公  
登覽輝亭

層欄飛棟壓孤城  
臨瞰并吞空闊  
千古吳京佳  
麗地一覽江山奇絕  
天際歸舟雲中行  
樹鷺點汀洲  
雪三山無際  
眇然相望溟渤  
鳳么遺響悲涼  
故臺今不見  
蒼煙蕪沒  
千騎重來  
初起廢緬想六朝人物  
峴首他年  
羊公終在  
笑幾人磨滅  
一時樽俎  
且須同賦風月

又

少年奇志笑功名  
画虎文章刻鵠形  
永夜漫漫悲晝短  
難挽蒼龍銜燭飛  
藿飄零浮雲遷變過  
眼郵傳速管人真意  
眇然千載誰屬猶喜  
二子當年諸公籍甚  
賞雲和孤竹翰墨流  
傳知幾許遺響宮商  
相續夢裡京華不須  
驚嘆春艸年年綠赤  
霄歸去更看犇電歟  
玉

又

暮秋登石橋追  
和祝子權韻

十年湖海歎潘郎  
憔悴無心雲閣強  
起登臨驚

暮序日極清霜搖落散髮層阿振衣千仞浩蕩  
窮林徑沉寥無際鏡天收盡雲腳長嘯聲落  
悲風想滄洲萬里當年歸約回首區中無限事  
此意誰同商略欲駕飛鴻翩然獨往汗漫期相  
諾滯畱何事坐令雙鬢如鷗

又

次韻施德  
初席上

麗譙春晚望東南千里湖山佳色画戟門前清  
似水時節初過燈夕封井年登京華日近每報

平安驛滿城花柳正須千騎尋覓  
憶我年少  
追遊叨兔園客右多慙英識今日懷人無限意  
老淚尊前重滴賦詠空傳雄豪誰在鬢點吳霜  
白招呼一醉幸公時慰愁寂

又

追和張巨  
山牡丹詞

倚風含露似輕顰微笑盈盈脉脉染素勻紅知  
費盡多少東君心力國豔酣晴天香融煥画手  
爭傳得綠窗朱戶曉粧誰見凝寂  
獨占三月

芳菲千花百卉算難爭春色欲寄朝雲無限意  
回首京塵猶隔舞破霓裳一枝渾似醉倚香亭  
北舊懽如夢老懷那更追惜

又

題曾氏  
溪坐

王孫老去算無地傾倒胸中豪逸小築三間便  
席卷多少江山風月萬壑回流千峰輸秀人境  
成三絕登臨佳處鳥飛不盡空濶 追念輞水  
斜川有風流千載淵明摩詰何必斯人聊一笑

俯仰今猶前日只恐東州催成棠蔭又作三年  
別賞心難繼莫教辜負華髮

又  
記夢

阿環家住閨風頂絳闌瑤臺相接翳鳳乘鸞人  
不見隱隱霓裳雲袂秀骨貞風長眉翠淺映白  
咽紅頰非煙淡處渺然雲浪千疊一笑徐福  
扁舟春風空老盡當時童妾骨冷魂清驚夢到  
同看碧桃千葉寄語青童何時丹就爲我畱瓊

笈天鷄催曉却愁吹墮塵劫

又

中秋夕

素秋新霽風露洗寥廓珠宮瓊闕簾幙生寒人  
未定鵲羽驚飛林樾河漢無聲微雲收盡相映  
寒光發三千銀界一時無此奇絕正是老子  
南樓多情辜負了十分佳節起舞徘徊誰爲我  
傾倒盃中明月欲攬姮娥扁舟滄海戲濯凌波  
襪漏殘鐘斷坐愁人世超忽

燕山亭

勳佐求睡  
紅亭爲賦

暝靄輝遲雨過夜來簾外春風徐轉霞散錦舒  
密映窺亭亭萬枝開遍一笑嫣然猶記有畫圖  
曾見無伴初睡起昭陽弄粧日晚長是相趁  
佳期有尋舊流鶯貪新雙燕惆悵共誰細繞花  
陰空懷紫簫淒怨銀燭光中且更待夜深重看  
畱戀愁酒醒緋千片

水調歌頭

次韻陸務觀陪太守  
方務德登多景樓



襟帶大江左平望見三州鑿空遺跡千古奇勝  
米公樓太守中朝耆舊別業當今豪逸人物眇  
應劉此地一尊酒歌吹擁貔貅 楚山曉淮月  
夜海門秋登臨無盡須信詩眼不供愁恨我相  
望千里空想一時高唱零落幾人收妙賞頻回  
首誰復繼風流

又

上元  
集

春意滿南國花動雪明樓千坊萬井此時燈火

隘追遊十里寒星相照一輪明月斜掛縹緲映  
紅毬共嬉不禁夜光彩遍飛浮 豔神仙鼙鼓  
吹引鰲頭文章太守此時賓從敞應劉回首昇  
平舊事未減當年風月一醉爲君酬明日朝天  
去空復想風流

又 和人  
新堂

小築百年計雅志幾人成亂山深處煙雨面面  
對縈青巾屨方安吾土花木仍供真賞隣有阮

稽生歲月拋身外  
應事更無營  
鳥知歸雲出  
岫雨忘情從渠  
華屋回首煙草  
昂顏傾何似生  
涯纔足歎枕南  
窗北牖醉夢落  
樵聲更喜濯纓  
處門外一江清

又

送周元特

漢代李元禮  
江左管夷吾  
英姿雅望凜凜玉立  
冠中都礪礪胸中  
千丈不肯低回  
青禁引去臥  
江湖更學鴟夷子  
一舸下東吳  
送公別盃酒

盡少躊躇舊棠陰下幾人臨路擁行車  
歸近雲天尺五夢想經綸賢業談笑取  
單于爲問茗溪水畱得此翁無

又

次劉若訥韻

十載劉夫子名過庾蘭成人人爭看角  
犀今喜試豐盈傾耳新詩千首妙處端  
須擊節金石破蟲聲此士難復得黃口  
鬧如羹憶年少游俠窟戲荆卿結交投  
分馳心千里劇搖旌我老公

樵隱詞

七

汲古閣

方豪健儻許相從晚歲忼慨激中情洗眼功名  
曾一箭取遼城

滿庭芳

自宛陵易筴東  
易雷別諸同寮

世事難窮人生無定偶然蓬轉萍浮爲誰教我  
從宦到東州還似翩翩海燕乘春至歸及涼秋  
回頭笑渾家數口又泛五湖月悠悠當此去  
白童白叟莫漫相畱但谿山好處深負重游珍  
重諸公送我臨岐淚欲語先流應須記從今風

月相憶在南樓

又

五十年來追思疇昔佳時去若雲浮依然重見  
感涕話西州幸喜靈光不改空自笑蒲柳先秋  
成何事風波末路險畏有沉舟別愁都幾許  
相從未數我去公畱況狂直平生誰念遨遊月  
夕風天正好還驚悵失此詩流江南所明朝更  
遠回首仲宣樓

又

行次西安馬商韻  
寄章叔通沈無意

護落難容崎嶇堪笑一年陸走川浮又攜妻子  
兩度過神州紫蟹鱸魚正美涼天氣恰傍中秋  
今宵意無人伴我快瀉玉雙甌功名聊爾耳  
千金聘楚萬戶封畱又爭如物外閒曠優游好  
在東阡北陌相從有諸老風流家山近歸休去  
也不上望京樓

滿江紅

送施德初

東馬嚴徐名籍甚西京人物誰不羨伏蒲忠鯁  
演綸詞筆雅意中朝今小試二年東郡弦風跡  
數中興循吏兩三人公居一溫詔趣還丹闕  
傾膚相方前席看雲臺登踐論忠密勿超覽堂  
中遺愛在幾人同戀津亭別顧倦游雲路僕登  
仙心如失

又

懷家  
山作

回首吾廬思歸去石谿樵谷臨翫有門前流水



亂松疎竹幽艸春餘荒井逕鳴禽日在窺牆屋  
但等閒凭几看南山雲相逐 家釀美招隣曲  
朝餽飽隨耕牧況東臯二頃歲時都足麟閣功  
名身外事牆陰不駐流光促更休論一枕夢中  
驚黃梁熟

又

潑火初收鞦韆外輕煙漠漠春漸遠綠楊芳艸  
燕飛池閣已著單衣寒食後夜來還是東風惡

對空山寂寂杜鵑啼梨花落  
傷別恨閒情作  
十載事驚如昨向花前月下共誰行樂飛蓋低  
迷南苑路滿裙悵望東城約但老來顚顚惜春  
心年年覺

江城子

和德初燈夕詞  
次藥石林韻

神仙樓觀梵王宮月當中望難窮坐聽三通譙  
鼓報籠銅還憶當年京輦舊車馬會五門東  
華堂歌舞間笙鐘夕香濛度花風翠袖傳盃爭

勸紫茸翁歸去不堪春夢斷煙雨曉亂山重

又

倚牆高樹落驚禽小窗淡夜沉沉酒醒燈昏人  
靜更愁霖惆悵行雲畱不住攜手處却分襟  
悠悠風月兩關心擁孤衾恨難禁何況一春顚  
顚到如今最苦清宵無寐極想見夢也難尋

漁家傲

極目丹楓迎霽曉山明水淨新霜早燕去鴻歸

稀一成春瘦不勝衣無限樓前傷遠志芳艸斜暉

眼兒嬌

小溪微月淡無痕殘雪擁孤村攀條弄蕊春愁  
相值寂默無言忍寒宜立何人見應怯過黃昏  
朝陽夢斷熏殘沉水誰爲招魂

秋蕊香

蕩暎花風滿路織翠柳陰和霧曲池闌艸舊遊

處憶試春衫白苧  
暗驚節意朱絃柱  
送春去  
曉來一陣埽花雨  
惆悵薔薇在否

畫堂春

華燈收盡雪初殘  
踏青還爾遊盤落  
梅強半已  
飛翻刻地春寒  
多病故人日遠  
幾時雙燕來  
還可憐樓上一凭欄  
不見長安

應天長令

曲欄十二閒亭  
沼履迹雙沉  
人悄悄  
波池寒香

燼小夢短女牆鴛喚曉  
柳枝風輕嫋嫋門外  
落花多少日日離愁縈繞不知春過了

好事近

次韻葉夢楊陳  
天子南園作

飛蓋滿南園想見八仙遙集幾樹海棠開徧正  
新晴天色 休辭一醉任無還衣上酒痕濕便  
恐歲華催去聽秋蟲相泣

謁金門

春已半芳艸池塘綠徧山北山南花爛熳日長

蜂蝶亂 閒掩屏山六扇夢好強教驚斷愁對  
面梁雙語燕故心人不見

又

傷離索猶記並肩池閣病起綠牕閑倚薄一秋  
天氣惡 玉臂都寬金約歌舞新來忘却回首  
故人天一角半江楓又落

點絳脣

夜色侵霜蕭蕭絡緯啼金井夢寒初覺一倍銅

壺永 無限思量展轉愁重省鼎爐火起來人  
靜窗外梧桐影

平仲三衢人仕止州倅禮部尚書友之子負才  
玩世頗有毛伯成之風撰樵隱集十五卷尤延  
之為序惜乎不傳揚用修云毛拜以詞一卷惟  
余家有之極賞其潑火初收一闕今亦不多見  
余近得楊夢羽先生秘藏宋元名家詞抄本  
二十七種內有樵隱詩餘一卷共四十二首調



名二十有三  
丞梓而行之  
庶不與集俱  
隱耳  
湖南毛晉識

樵隱詞終